

刑部比照加減成案續編

刑部比照加減成案續編卷二十八

杭州許樾訂

刑律犯姦

犯姦

貴州司 道光十四年

貴撫題安順府僧人源和因與吳劉氏在房續姦被氏媳吳丁氏進房撞見吳劉氏

慮被張揚起意逼勒吳丁氏與該犯行姦。
該犯聽從將吳丁氏姦污以吳劉氏被姦。
窺破姦情抑勒同陷邪淫並非姦夫起意。
將該犯僧源和依強姦已成絞候律上。
減擬流本部查強姦之罪律無首從之分。
故一人強捉一人姦之行姦之人不問是
否起意均應擬絞。駁令依強姦者絞監。

候律擬絞監候。

安徽司 道光四年

安撫咨余京城強姦無服族兄之妻余江氏未成。查余江氏係余京城無服族兄余起周之妻。該犯賁夜前往圖姦。經余江氏斥罵。輒敢將其按倒。強欲行姦。實屬不法。查例內姦同宗無服親之妻。擬罪重於凡。

人。則。強。姦。未。成。亦。應。酌。量。加。等。問。擬。將。余
京。城。於。強。姦。未。成。滿。流。律。上。酌。加。一。等。發。
附。近。充。軍。

廣東司 道光五年

廣撫岑高亞林、強姦無服族弟高秀和之
妻高馮氏未成。將高亞林、依親屬和姦罪
不至死者。若強姦未成。發近邊充軍例。發

近邊充軍。本部查例載親屬和姦。罪不至死者。若強姦未成。發近邊充軍。調姦未成。杖一百。徒三年。又姦同宗無服親之妻者。枷號四十日。杖一百。又親屬相姦律註云。未成姦。載犯姦律。又犯姦律。載強姦未成。杖一百。流三千里。各等語。細繹例意。所稱親屬和姦。罪不至死。係專指總麻以上親。

而○言○是○以○調○姦○未○成○卽○擬○滿○徒○較○之○無○服○
親○和○姦○已○成○僅○止○枷○杖○者○輕○重○懸○殊○則○強○
姦○未○成○發○近○邊○充○軍○之○例○亦○須○總○麻○以○上○
親○屬○方○可○引○用○若○強○姦○無○服○親○屬○未○成○自○
應○以○親○屬○未○成○姦○律○註○照○犯○姦○律○強○姦○未○
成○科○斷○此○案○高○亞○林○強○姦○無○服○族○弟○之○妻○
馮○氏○未○成○該○撫○將○該○犯○依○強○姦○未○成○發○近○

邊充軍例。發近邊充軍。是舍親屬未成姦。之律。註於不用。而牽引總麻以上親屬。強姦未成之條。實屬錯誤。高亞林改依強姦未成律。杖一百。流三千里。

直隸司

道光十二年

直督岑唐成山。冒姦未成。遍查律例。並無治罪明文。第冒姦已成之案。向照強姦已

成○之○律○問○擬○其○冒○姦○未○成○自○應○比○照○強○姦○
未○成○科○斷○唐○成○山○應○比○依○強○姦○未○成○者○杖○
一○百○流○三○千○里○

浙江司

道光十三年

浙撫咨李三因鬪殺擬絞減流復在配持
刀強姦王李氏未成實屬淫兇若照已流
重犯流之律僅止杖一百於配所拘役四

年○未○免○輕○縱○自○應○量○加○問○擬○李○三○應○於○強○
姦○未○成○滿○流○律○上○量○加○一○等○發○附○近○充○軍○

貴州司 道光十四年

南城察院移送陳懋修喊告黃紉秋調戲
伊妻一案。查黃紉秋聽信楊起鳳調戲朱
氏並未成姦。亦無強暴之狀。惟以捐納職
官。不知檢束。輒敢調戲良家婦女。致本婦

羞忿。幾至釀命。且將宋氏右乳。帶劃一傷。情節較重。若僅照圖姦調姦未成罪人。拒傷本婦科斷。尚覺情浮於法。惟究係調姦起釁。與強姦未成者不同。黃紉秋應於強姦未成。滿流律上。酌減一等。杖一百。徒三年。楊起鳳造言教誘。慫恿圖姦。致黃紉秋身罹於法。宋氏忿不欲生。實爲此案罪魁。

應照教誘人犯法與犯法人同罪律杖一百徒三年。

浙江司 道光九年

提督咨送幅海因與牛氏通姦犯案。問擬杖柳發落。後復向牛氏之母德王氏央允。仍將牛氏領回姦宿。德王氏因幅海向其央懇。輒將牛氏給與領回。均屬不合。檢查

律例並無犯姦之婦。斷歸母家後。仍給姦夫領回姦宿。作何治罪專條。自應比例問擬。幅海德王氏。均比照姦婦從夫嫁賣。若嫁賣與姦夫者。姦夫本夫杖八十。律各杖八十。

安徽司 道光四年

安撫題馬長會起意糾同李奉岐輪姦戴

氏已成。戴氏之姑黃氏被李奉岐拒傷身死。馬長會並未幫同下手。應按本例問擬斬決。李奉岐聽從輪姦戴氏已成。因氏姑黃氏喊捕。輒將黃氏毆扎致斃。查殺死本婦之姑與殺死本婦無異。將李奉岐比照輪姦殺死本婦爲從同姦又幫同下手例擬斬立決。

犯姦

陝西司

道光四年

陝督題晏滿英等輪姦錢馮氏案內之王
四預謀輪姦因病未行核與同謀同行未
經同姦者有閒自應酌量減等定擬王四
應照同謀並未同姦改發雲貴兩廣煙瘴
地方充軍例上量減一等杖一百徒三年

山西司

道光十四年

晉撫洛已革武生馮倌沅糾邀馮淙娃等
輪姦馮青源之妻馮史氏未成。查馮史氏
先與馮小藏通姦。經本夫馮青源盤出姦
情。告知堂叔馮迺嶢控縣訊明責釋後。卽
悔過自新。與馮小藏斷絕。衆供僉同。已有
確證。卽與良人婦女無異。馮倌沅因屢向
馮史氏調姦未允。膽敢糾邀馮淙娃等前

往輪姦未成。殊屬不法。查馮史氏係馮信
沅無服族孀。係馮淙娃無服族祖母。律例
內並無輪姦無服親之妻未成。作何治罪
明文。自應仍按本例問擬。馮信沅合依夥
謀輪姦良人婦女未成。審有實據者爲首。
發極邊足四千里充軍。

山西司

道光五年

晉撫題僧人祖輝、因欲雞姦年甫九齡之幼僧安慶不遂。輒敢起意用棍疊毆安慶致斃。律例並無因姦故殺幼童治罪明文。自應比例問擬。祖輝、應照、因、姦、將、良、人、子、弟、殺、死、者、照、光、棍、爲、首、例、擬、斬、立、決。

奉天司

道光四年

步軍統領衙門咨送僧人幅山、將年甫十

歲之幼徒何招兒哄誘雞姦。查何招兒先
經被人姦過。是該犯並非首姦之人。似未
便照雖和同強律。擬以綴首。惟此等淫徒。
若僅照僧道犯姦例。加等擬徒。未免情重。
法輕。遍查律例。並無雞姦十二歲以下。會
經犯姦幼童。作何治罪明文。自應酌減。問
擬幅山。應勒令還俗。比依強姦十二歲以

下幼童照姦幼女。雖和同強絞監候律上。量減一等杖一百。流三千里。仍盡僧道犯姦本法。於本寺門首枷號兩個月。

陝西司 道光四年

陝撫題張來娃王得玉商同各持刀棍將優人王科兒等中途截搶嚇逼強姦與糾眾強搶雞姦者不同。且王科兒等究屬優。

人亦難與良人子弟並論。自應比例量減。
定擬張來娃、王得玉同時起意。各姦一人。
自應各科各罪均合依惡徒將良人子弟
搶去若止一人強行姦姦絞候例上減一
等各杖一百流三千里。

四川司

道光十四年

川督咨滿江縣杜世榮因見杜詹氏一人

在田。攏向求姦不遂。輒卽起意行強。將其
按地拉抓受傷。並扯破褲腰。經杜詹氏聲
喊。杜秋榮聞聲趨至。始行逃走。實屬強姦
未成。查杜世榮係杜詹氏之夫。無服族兄。
例無治罪明文。自應比例問擬。杜世榮合
依強姦婦女傷非金刃兇器未成姦者發
邊遠充軍。

河南司

道光五年

河撫咨鹿邑縣王鐵蛋、強姦石牛未成。用鐵鏟將石牛毆傷。例無強姦男子未成。傷非金刃。作何治罪明文。旣未便照金刃毆傷之例。擬以極邊充軍。又未便僅照強姦未成例。問擬杖流。置毆傷於不論。自應比例問擬。王鐵蛋應比照強姦婦女傷非金

刃、兇器未成姦者。發邊遠充軍。

四川司 道光八年

川督岑璧山縣劉添瀧因向梁王氏圖姦被獲。情急圖脫。用刀自割髮辮。以致誤將梁王氏割傷。遍查律例。並無圖姦未成罪人。被獲圖脫。自割髮辮。誤傷本婦。作何治罪專條。自應仍按拒傷本例問擬。劉添瀧

合依圖姦未成罪人拒傷本婦但係刃傷者發極邊足四千里安置。

四川司 道光八年

川督岑西陽州黃菖紋向小功堂孀黃馮氏調姦不遂被任試乾捉獲輒敢逞兇拒捕將任試乾砍傷平復查黃馮氏係黃菖紋同曾祖堂孀任試乾係馮氏之夫黃錫

位外姻總麻表兄。係例許捉姦之人。惟例內並無卑幼調姦有服尊長被拏拒捕刃傷例。許捉姦之人。作何治罪。明文自應仍依凡人問擬。黃菖紋除調姦小功堂嬪未成。輕罪不議外。合依調姦婦女未成。拒傷有服親屬。但係刃傷者。發極邊足四千里安置。

四川司 道光十四年

川督題灌縣朱萬才、聽從與陳徐氏通姦之鄭興友圖姦陳徐氏未成。因被辱罵。奪刀劃傷其脣吻。遍查律例。並無圖姦犯姦婦女未成。刃傷本婦。作何治罪明文。查圖姦婦女未成。刃傷本婦。發極邊安置之例。係指良人婦女而言。陳徐氏究係犯姦婦。

女。自應量減問擬。將朱萬才應比照圖姦婦女未成拒傷本婦但係刃傷者發極邊足四千里安置例上減一等擬杖一百徒三年。

四川司 道光七年

川督咨雅安縣馬二沅子誘姦年甫八歲之幼女馬四娘子未成馬四娘子係馬二

沅子無服族妹。律例內並無強姦同宗無服之親。十二歲以下幼女。作何治罪明文。應照凡人間擬馬二沅子。合依強姦十二歲以下幼女。未成審有確據者。改發雲貴兩廣煙瘴地方充軍。

陝西司

道光八年

陝撫咨紫陽縣客民張德濫誘拐幼女張

長女本屬和成。惟張長女年止十三。被張德澹哄誘姦污。恣意宣淫。玷辱一生。若將張德澹僅依軍民相姦。問擬柳杖。與尋常婦女和姦。無所區別。張德澹應於軍民相姦。柳杖例上加一等。杖六十。徒一年。

廣西司 道光五年

廣西撫咨鄧長隴。哄誘鄧娘妹行姦。後因

鄧娘妹不允。復用強成姦。查律例內並無
先以和合。繼以強成。作何治罪明文。咨請
部示。本部查鄧長隴年已十七歲。誘允年
甫十三。同姓不宗之鄧娘妹行姦。卽屬和
姦。已成。雖鄧娘妹負痛哭喊。該犯仍恣意
行姦。情非強暴。未便照強姦定擬。鄧長隴
應依軍民相姦例。枷號一箇月。杖一百。

四川司 道光十一年

提督岑送護軍厲英與覺羅那丹珠之妻
瓜爾佳氏通姦。例無姦覺羅之妻。作何治
罪明文。應照本例定擬。厲英應革去護軍。
與瓜爾佳氏均依軍民相姦例。各枷號一
個月。杖一百。

陝西司 道光十一年

陝督題曹二斤十、曹四十二、先後與孀婦
林賞氏通姦。彼此知情。嗣曹四十二、因戀
姦情熱。憑曹存德爲媒。將賞氏聘娶爲妻。
係屬先姦後娶。律應離異。查曹二斤十、係
曹四十二胞兄。自幼過繼與堂伯曹萬有
爲嗣。則賞氏旣不得爲曹四十二之妻。卽
不得爲曹二斤十之弟婦。今曹二斤十、仍

與賞氏續姦。應按凡人科斷。前據該督將
曹二斤十、依姦內外總麻以上親之妻例
擬軍。賞氏擬徒。本部以親屬相姦。女不言
出嫁。男不言出繼。有犯。仍依本宗服制定
擬。不得降等科罪。如曹四十二、明知賞氏
先與該犯有姦。憑媒婚娶。係律應離異。有
犯。應以凡論題駁。茲據該督審明。該犯與

弟曹四十二先後與賞氏通姦。彼此知情。曹四十二因戀姦情熱。憑媒聘娶賞氏爲妻。係屬先姦後娶。律應離異。將曹二斤十賞氏改依軍民相姦例。各擬枷號一個月。杖一百。

直隸司

道光十四年

直督洛郭蘭成因與郭董氏母家無服姪

媳董程氏通姦敗露。郭董氏往找不依。郭
蘭成輒稱郭董氏誣賴。以致郭董氏氣忿
自盡。遍查律例並無和姦敗露致令姦婦
外姻無服親屬氣忿自盡作何治罪明文。
自應按例量加問擬。郭蘭成合依軍民相
姦姦夫柳杖例上加一等杖六十。徒一年。

四川司 道光十年

川督奏湖北利川縣戴潮青與弟子馮惲
慶雞姦。後馮惲慶因病身死。查師弟和同
雞姦。雖非一本至親。第係風化攸關。未便
竟以凡論。咨請部示。卷查嘉慶二十三年
湖北省已革舉人盧嘉會雞姦弟子盧蓮
舫一案。本部改照本管官姦所部妻女律。
加凡姦罪二等辦理。此案情事相類。咨覆。

該督遵將戴潮青比依本管官姦所部妻女者加凡姦罪二等律。於和同雞姦照軍民相姦柳號一個月杖一百例上加二等杖七十。徒一年半。

山西司 道光七年

提督谷送段二等。因知陳套兒曾被入雞姦。輒起意將其拉至王玉兒住處。並主令

將其捆按。與王玉兒輪流雞姦。自應以該犯爲首。查輪姦犯姦男子。例無專條。自應比例問擬。段二應比照輪姦已經犯姦婦女已成者爲首發雲貴兩廣煙瘴地方充軍。王玉兒照爲從同姦杖一百流三千里。

奉天司

道光十年

步軍統領衙門咨送劉四等輪姦年已十

二歲之孫四輩已成。惟孫四輩先經犯姦。
例無輪姦犯姦男子已成。作何治罪明文。
自應比例問擬。劉四應比照輪姦犯姦婦。
女已成者爲首。改發雲貴兩廣煙瘴地方。
充軍。張大應照爲從同姦杖一百。流三千。
里。

浙江司

道光六年

提督咨圖明額因向無服族姪媳張氏調
姦不從被張氏揪毆該犯用手抵拒致抓
傷張氏手指卽屬拒捕該犯係張氏之夫
富拉明阿族叔律例內並無無服尊長調
姦卑幼之妻作何治罪明文惟服制雖盡
而名分尚存自應酌量加等定擬圖明額
應革去藍翎長照調姦未成例於不應重

律杖八十。罪上酌加一等。再加拒捕罪二等。統加三等。擬杖六十。徒一年。

山西司 道光六年

提督咨送胡二。因鋪夥范洪云年輕。輒乘其睡熟。欲行雞姦。事雖未成。究屬不合。查律例內並無欲圖雞姦未成治罪明文。自應比照圖姦未成。酌量情罪輕重。枷杖之

例定擬胡二應照不應重律杖八十該犯
向范洪云圖姦未成致范洪云羞忿欲行
自盡幾致釀命情節較重應酌加枷號一
個月。

廣東司 道光十四年

提督咨送世襲雲騎尉莫得里將元隆之
女大姐接至家內用言調戲並以欲娶爲

妾之言。向其戲說。依調姦未成例。酌其情
罪輕重。分別枷號杖責。惟職官姦軍民妻
者革職。杖一百的決。例無枷號之文。是職
官調姦未成。自未便擬以枷號。應酌擬杖
一百。革去雲騎尉。係未成。免其的決。依律
收贖。

縱容妻妾犯姦

湖廣司 道光四年

宗人府咨巴彥布、雇覓馮氏服役。卽與調戲成姦。後復起意商同賣姦。得錢花用。實屬有玷旗籍。巴彥布比依抑勒妾及乞養女與人通姦律。杖一百。酌加枷號一個月。銷去旗檔。

陝西司

道光四年

提督咨送韓升與張二之妻張童氏通姦。
本夫知情縱容。律應離異。歸宗。惟該氏子。
甫周歲。女僅七齡。當提訊時。極抱提攜情。
殊可憫。若使遽離其母。勢必凍餓待斃。且
該氏訊明並無親屬可歸。伊夫張二供稱。
情願將其領回管束。衡情酌斷。仍應將該

氏給本夫張二領回以示矜恤。

河南司 道光五年

河撫咨光州夏思德老病窮苦賣妻夏陳氏活命與圖財賣休者不同若竟依賣休本律科罪未免漫無區別惟律例內並無因貧賣妻作何治罪明文自應酌減問擬夏思德夏陳氏應照賣休律本夫本婦各

杖一百。罪上酌減二等。杖八十。

親屬相姦

四川司 道光十四年

川督岑達縣石德揚與同會祖小功服叔
石景富之妻石陳氏通姦敗露致氏羞愧
自盡例內並無功服卑幼與尊長通姦敗
露致姦婦羞愧自盡作何治罪明文自應
仍按犯姦本律問擬石德揚合依姦從祖

叔母者姦夫絞決例擬絞立決。

四川司 道光十四年

川督咨巴縣石沅得與胞兄之妻石林氏
通姦。經胞兄石沅興姦所獲姦。致氏自縊。
身死。遍查律例並無弟姦兄妻致姦婦自
盡。作何治罪明文。第該犯通姦本罪已應。
絞決。無可復加。自應按律問擬。石沅得合。

依姦兄妻者絞律擬絞立決。

陝西司 道光八年

陝督岑渭源縣杜進科因強姦子媳未成致伊子夫婦自縊身死該犯畏罪欲行自盡復逼令次子二女一同縊斃是該犯蔑倫傷化至慘斃五命淫惡已極該督擬以加等充軍尚不足以示懲杜進科改擬親

屬和姦律應死罪。若強姦未成發邊遠充軍例上從重發往新疆給官兵爲奴。

陝西司

道光十一年

陝撫咨革生李殿鰲強姦子媳杜氏未成。業經勸息。嗣因不服管教。令伊子李平兒將杜氏毆責。致氏自縊身死。毆非因姦罪。由他故。自應照律仍科姦罪。李殿鰲合依。

親屬和姦律應死罪者若強姦未成發邊
遠充軍。惟該犯因畏罪燒屍滅跡情殊殘
忍。未便因燒屍係屬輕罪。竟置不議。應請
於邊遠充軍例上量加一等。改發極邊足
四千里充軍。

廣西司 道光九年

廣西撫岑周文元因與胞弟之妻陳氏商

約和姦未成敗露。致陳氏羞愧自盡。該犯雖出繼胞伯爲嗣。惟親屬相姦。並無因出繼與本宗有犯降等明文。應仍以本宗論。周文元應依親屬和姦律。應死罪者。若調姦未成。杖一百。流三千里。例杖一百。流三千里。

山西司

道光九年

晉撫題臧添順調姦子婦賈氏未成致氏羞忿自盡身死。例內並無治罪專條。查該犯調姦子婦致令自盡情節較重。自應比例酌量問擬。臧添順應比照親屬和姦律應死罪者。若調姦未成杖一百流三千里。例上加一等發附近充軍。

四川司 道光六年

川督峇宜賓縣夏惇儀圖姦小功堂兄夏
惇學之妻唐氏未成。拒捕毆傷夏惇學平
復。查夏惇儀圖姦小功堂兄夏惇學之妻
唐氏未成。核其和姦罪不致死。例應滿徒。
今因圖姦用刀背毆傷本夫夏惇學平復。
傷非金刃。遍查律例。並無卑幼圖姦有服
親屬之妻。拒傷本夫。作何治罪明文。自應

比例問擬。夏恂儀合依親屬和姦罪不至死者。若調姦未成。杖一百。徒三年。例上加拒捕罪二等。杖一百。流二千五百里。

陝西司 道光九年

陝撫咨扶風縣王漢圖姦大功弟妻小王王氏未成。例無治罪明文。王漢應比照親屬和姦罪不至死者。若調姦未成。杖一百。

徒三年。

山西司 道光五年

晉撫客祁沛楨因與小功堂妹祁小巧通姦致祁小巧因姦情敗露羞愧自盡例無治罪明文。自應依犯姦本例問擬。祁沛楨合依姦內外總麻以上親姦夫發附近充軍例發附近充軍。

四川司 道光七年

川督咨金堂縣雷幅斗與小功堂弟之妻
尹牛姐通姦敗露。致尹牛姐羞愧自縊身
死。查尹牛姐係雷幅斗同曾祖小功堂弟
雷長兒童養未婚之妻。名分已定。例內並
無姦小功親之妻。姦婦因姦情敗露。羞愧
自盡。姦夫作何治罪明文。自應仍照犯姦

本例問擬雷幅斗合依姦總麻以上親之
妻姦夫發附近充軍例發附近充軍。

四川司 道光六年

川督咨達縣楊庭久與大功堂兄楊庭品
之妻楊唐氏通姦。經楊庭品撞獲逃跑。致
楊庭品逾時欲拉楊唐氏送究不服。將其
砍傷致斃。獲姦雖在姦所。殺死已非登時。

若將姦夫照凡人擬以滿徒是反輕於親屬相姦之罪自應從重仍依通姦本例問擬楊庭久合依姦內外總麻以上親之妻姦夫發附近充軍例發附近充軍

貴州司 道光九年

貴撫咨畢節縣楊衡園與小功兄妻劉氏通姦因姦情敗露劉氏羞愧自盡律例內

並無姦總麻以上親之妻。姦婦因姦情敗露。羞愧自盡。姦夫作何治罪。明文若止科姦罪。又未便置人命於不問。楊衡園應於姦總麻以上親之妻。姦夫發附近充軍例上加一等。發近邊充軍。

四川司

道光九年

川督咨南部縣已革文生何其超與小功

堂弟何其洪之妻何杜氏通姦被本夫何
其洪姦所撞獲脫逃。欲行找尋送究。以致
何杜氏因姦敗露。羞愧自縊身死。例無專
條。自應比例量加問擬。何其超應依姦總
麻以上親之妻姦夫發附近充軍例上加
一等發近邊充軍。

四川司

道光七年

川督咨墊江縣許泳安。因許舒沅與伊胞伯之妾許梅氏通姦。姦所獲姦。登時毆傷許舒沅身死。查許梅氏係許心權之妾。與家長無服族弟許舒沅通姦。合依姦同宗無服親之妻者各柳號四十日杖一百例。上減一等。應杖九十。柳號三十五日。許梅氏杖決。柳贖。

誣執翁姦

直隸司 道光五年

直督題周常名因行竊被伊父周全德查知。欲將該犯活埋。因妻兄陳紅向詢。該犯冀圖掩飾。誣指伊父周全德圖姦伊妻起釁。以致陳紅等將周全德毆斃。遍查律例。並無因子捏造其父圖姦子媳。以致父被

人毆死。作何治罪。明文自應比律問擬。周
常名比依男婦誣執親翁欺姦者律擬斬。
監候請

旨卽行正法。

奴及雇工人姦家長妻

陝西司 道光十二年

內務府鑲黃旗佐領呈報披甲常吉之妹大妞、自縊身死一案。此案李幅兒、受雇與內務府筆帖式奎英服役。奎英胞姊梅董氏、同其子並女大妞、在奎英院內西平房居住。李幅兒乘梅董氏等外出、與大妞調

戲成姦。大姐因姦情敗露。羞愧自縊身死。
查李幅兒。係奎英雇工。與奎英甥女大姐
通姦。係姦家長小功親屬。罪應杖一百。流
二千里。茲大姐因姦情敗露。羞愧自盡。自
應按律酌加問擬。李幅兒合依雇工姦家
長。總麻以上。親杖一百。流二千里。律上加
一等。杖一百。流二千五百里。

直隸司

道光十二年

提督咨送葉二雇與張宅服役。始則因伊主病迷。乘便與郭氏通姦。繼復商同逃走。若僅照雇工姦家長之妾律止擬流。未免情浮於法。葉二應從重發往新疆給官兵爲奴。

良賤相姦

江西司 道光十二年

北城移送楊升、與同主婢女冬梅通姦。經伊主因他過辭出。復屢次夤夜越牆進院。與冬梅肆行續姦。情殊可惡。若僅照奴婢相姦。擬以滿杖。尚覺情浮於法。楊升應於奴婢相姦律上加一等杖六十。徒一年。冬

良賤相姦

梅、仍、照、例、杖、一、百、。

買良爲娼

浙江司

道光九年

安徽撫咨鄭善美、因何安瀾自願將伊子何三戴典給該犯轉交與鄭芳林爲徒學戲。該犯起意轉典漁利。係出於何安瀾情願與設計誘買良家之子爲優者不同例。無治罪明文。自應比例量減問擬。鄭善美、

應比照設計誘買良家之子爲優者枷號三個月杖一百徒三年例上量減一等枷號兩個月杖九十徒二年半。

河南司 道光十三年

提督岑送蘇桃先因曹二林窮苦無依收留爲徒。哄誘雞姦復開設輓棚窩頓曹二林孫四兒何保兒賣姦漁利卽與窩娼無

異蘇桃應比照無籍之徒窩頓流娼土妓
月日經久例杖一百徒三年。